

JABATAN KORPORAT  
TARIKH: 17.03.2023 MASA :05.20pm

MUKTAMAD



## MAJLIS BANDARAYA SEBERANG PERAI

TEKS UCAPAN  
**YBHG. DATO' AZHAR BIN HAJI ARSHAD  
DATUK BANDAR SEBERANG PERAI**

SEMPENA  
**PROGRAM PLOGGING ANJURAN BERSAMA MAJLIS  
BANDARAYA SEBERANG PERAI (MBSP) DAN MICRON  
BATU KAWAN**

TARIKH / MASA / TEMPAT  
**18 MAC 2023 (SABTU)  
10.00 PAGI**

**JETI BATU MUSANG  
BATU KAWAN  
SEBERANG PERAI SELATAN**

Terima kasih Saudara / Saudari Pengacara Majlis

**Yang Dihormati Ahli Majlis**  
Majlis Bandaraya Seberang Perai

**Yang Berusaha Tuan Haji Baderul Amin bin Abdul Hamid**  
Setiausaha Bandaraya  
Majlis Bandaraya Seberang Perai

**Encik Moorthy Murugaiah**  
Senior Director Global People Services  
Micron Batu Kawan

**Ketua-Ketua Jabatan dan Pegawai-Pegawai Kanan**  
Majlis Bandaraya Seberang Perai

**Warga Kerja Majlis Bandaraya Seberang Perai**

**Warga Kerja Micron Batu Kawan**

**Rakan-Rakan Media**

**Tuan-Tuan dan Puan-Puan yang dihormati sekalian**

Bismillahir Rahmanir Rahim

Assalamu'alaikum Warahmatullahhi Wabarakatuh,

Selamat Pagi dan Salam Sejahtera,

1. Alhamdulillah, bersyukur ke hadrat Allah S.W.T. kerana dengan izin dan limpah kurnia-Nya dapat kita bersama-sama pada pagi ini dalam Program Plogging di Jeti Batu Musang, Batu Kawan, Seberang Perai Selatan. Program ini merupakan salah satu jalinan kerjasama di antara Majlis Bandaraya Seberang Perai dan Micron Batu Kawan.
2. Sekalung penghargaan dan terima kasih kepada Micron Batu Kawan yang dipimpin oleh Encik Moorthy Murugaiah, Seniro Director Global People Services dan pasukan beliau daripada Micron Batu Kawan seramai 200 orang yang sudi berganding bahu menjalin kerjasama untuk menjayakan program pada pagi ini.
3. Saya ucapkan Tahniah dan Syabas kepada semua peserta yang hadir menyokong usaha untuk memelihara dan memulihara alam sekitar. Saya berasa amat gembira kerana dapat bersama-sama dengan anda semua dalam program yang meriah ini. .

4. Program pada pagi ini adalah Program *Plogging* yang merupakan gabungan aktiviti “jogging” dan juga aktiviti “mengutip sampah” dan adalah sebahagian daripada usaha berterusan Kerajaan Negeri Pulau Pinang dalam mewujudkan kerjasama dan penglibatan semua pihak dan masyarakat setempat dalam agenda melestarikan asprk kebersihan.
5. Aktiviti *plogging* memperkenalkan gaya hidup mesra alam ini kepada orang awam dengan tujuan untuk memberi kesedaran kepada masyarakat mengenai penjagaan kesihatan dan kebersihan yang merupakan tanggungjawab bersama. Ianya juga adalah salah satu langkah dalam mewujudkan suasana bandar yang mesra alam sekitar dengan persekitaran hijau.
6. Lokasi aktiviti *plogging* dilaksanakan kali ini adalah di Pantai Batu Musang. Kawasan pantai di sini kerap menjadi tumpuan para pemancing dan juga orang awam yang datang berkelah dan sebagainya. Segelintir pengunjung yang tidak mengendahkan kebersihan pantai membuang sampah dan botol plastik merata-rata menyebabkan kawasan pantai ini dipenuhi sampah.

7. Segala kutipan sampah sarap akan kemudiannya ditimbang dan diasingkan kepada yang boleh dikitar semula. Ini adalah antara usaha-usaha untuk mengurang pencemaran sisa di pantai.
8. Saya berharap akan ada usaha berterusan dalam menjaga kebersihan kawasan pantai berdekatan Jeti Batu Musang ini. Ianya dapat memberi impak terhadap peningkatan kualiti persekitaran kawasan ini dan memenuhi ekspetasi penduduk setempat demi mencapai kualiti hidup yang lebih baik. Saya berharap agar penduduk setempat dapat sama-sama menjaga kebersihan kawasan pantai dan semoga ianya dapat memberi manfaat kepada seluruh penduduk.
9. Sokongan dan penglibatan masyarakat adalah amat diperlukan bagi menjayakan segala program dan aktiviti MBSP. Sekali lagi, terima kasih kepada pihak Micron Batu Kawan, penduduk setempat dan pengunjung pantai di sini yang hadir memberikan sokongan penuh ke atas usaha-usaha ini.
10. Menjelang tahun 2023, Kerajaan Negeri Pulau Pinang berhasrat untuk menjadikan Negeri Pulau Pinang, Negeri Hijau pertama negara. Kerjasama dan komitmen semua pihak adalah amat diperlukan dalam

merealisasikan hasrat Kerajaan Negeri Pulau Pinang dan juga MBSP.

Oleh itu, saya menggesa semua pihak daripada agensi kerajaan, institusi pengajian tinggi, badan-badan korporat, industri, komuniti dan individu untuk bersama-sama berganding bahu dan berusaha membawa Pulau Pinang ke peringkat yang lebih tinggi bagi merealisasikan hasrat Kerajaan Negeri menjadikan Pulau Pinang sebagai sebuah negeri bersih, hijau, sihat dan selamat. Semoga Pulau Pinang akan terus cemerlang dan gemilang!

11. Memandangkan umat Islam bakal menyambut kehadiran bulan Ramadhan dalam beberapa hari lagi, saya ingin mengambil kesempatan ini untuk mengucapkan Selamat Menyambut Bulan Ramadhan buat semua para hadirin yang beragama Islam. Semoga Ramadhan kali ini membuka lembaran baru untuk kebahagian dan keberkatan dunia dan akhirat kita semua.

Akhir kata, saya ingin merakamkan ucapan terima kasih kepada semua yang terlibat dalam menjayakan program pada pagi ini.

**Sekian, terima kasih.**

***Wabillahi Taufik Wal Hidayah, Wassalamualaikum Warahmatullahi***

**Wabarakatuh.**